

# Акафист преподобному Сампсону Странноприимцу

## Кондак 1

Избранна ты от Господа врача благодатна в странноприимца милостива почитающе и образу честному твоему любовию молитвенно ныне предстояще, ублажаем тя по достоянию преподобне отче наш Сампсоне. Ты же, яко имеяй дерзновение ко Господу, от всяких на бед свободы, зовущих: Радуйся, Сампсоне, отче милостивый и врачу предивный.

## Икос 1

Ангелом на небеси, непрестанно славящим Творца и Владыку всех Бога, уподобился еси на земли, богодохновенне Сампсоне, дивными бо дела добрыми твоими и труды многими прославил еси Отца, Иже есть на небесех, благодать и милосердие неизреченное Того людем являя. Ныне же в небесных селениях славы водворяяся, не забуди нас, любовию тебе зовущих: Радуйся, преизрядный ангелов подражателю; Радуйся, благий и верный Царя славы служителю. Радуйся, достойный избранниче Божий; Радуйся, слуго милосердия Отца. Радуйся, священная главо, богомудрием просвещенная; Радуйся, недоуменная высото в молитвах непрестанных терпения. Радуйся, благое иго Христово на рамена твоя вземый; Радуйся, в радость Господа твоего вшедый и венец нетленный от Него приемый. Радуйся, Сампсоне, отче милостивый и врачу предивный.

## Кондак 2

Видяще веры очима, яко богоподражательнаго ради жития твоего во обители преподобных, идеже пребывает свет незаходимый, вселился еси и прославленным от Бога достойно сопричелся еси, да наследник вечнаго Царствия Христова будеши, вопием тако изволившему о тебе Господу: Аллилуиа.

## Икос 2

Разум в добродетели явил еси, богомудре Сампсоне, в разуме же воздержание, в воздержании же терпение, в терпении же благочестие, в благочестии же братолюбие: всем же сим начаток пламень веры в тебе бысть. Темже от начала восхваляем добродетельное житие твое и течение, преподобне, и ублажаем тя сице: Радуйся, ветхаго Рима славнаго преизящное прозябение; Радуйся, родителей честных и великородных отрасль благородная. Радуйся, от юности твоя веры и благочестия усердный ревнителю; Радуйся, лестницы добродетелей духовных внутрь тебе мудрый строителю. Радуйся, во учениях

человеческий мудрости изоощренный; Радуйся, служения ради нищим  
врачевскую мудрость восприемый. Радуйся, Господа Христа измлада  
рабе искренний; Радуйся, Его ради всех отщетивыйся. Радуйся,  
Сампсоне, отче милостивый и врачу предивный.

### **Кондак 3**

Силою Вышняго осеняем, в вере, надежде, любви и разуме  
благодатно возрастал еси, преблаженне. ко учением человеческим  
Божественных Писаний разумение приложил еси и, человеческое  
врачевания искусство разумева, благодатную силу целительну от  
Господа добродетельми твоими стяжал еси, со дерзновением Ему  
предстоя и верою и любовию всегда вопия: Аллилуиа.

### **Икос 3**

Имея ревность многу о Господе, да послужиши Ему всем сердцем и  
всею жизнью твоею, отверглся еси себе, дивный подвижникче Сампсо-  
не, и имения оставль и взял крест твой, последовал еси Христу;  
преставльшим бо ся родителем твоим и стяжания многа оставльшим,  
богатство тленное расточил еси нищим и, рабом твоим свободу  
даровав, явился еси яко странник. Сего ради умильно зовем ти:  
Радуйся, Евангельскому словеси последовавый; Радуйся, подобающая  
тебе творити не закоснивый. Радуйся, в жизни земней единого Христа  
всем сердцем возлюбивый; Радуйся, Того единого всем разумением  
взыскавый. Радуйся, любве ради Его привременная в мыслех твоих во  
уметы вменивый; Радуйся, Его ради красная мира презревый. Радуйся,  
скорогиблющая богатства на негиблющая и вечная пременивый;  
Радуйся, на небеси, а не на земли сокровище сердцу твоему обретый.  
Радуйся, Сампсоне, отче милостивый и врачу предивный.

### **Кондак 4**

Бурею помыслов стяжательных смущаем юноша, якоже рече  
Евангелие, егда услыша глагол Господень: «Иди, продаждь имение  
твое и даждь нищим и гряди вслед Мене», отъиде скорбя. Ты же, отче,  
радостно по благому глаголу Христову сотворил еси и, уз богатства  
отрешився, единою одеждею прикровен и вервием о чреслах  
препоясан, реченное совершенство стяжал еси, да, ничимже запинаем,  
вопиеши Богу: Аллилуиа.

### **Икос 4**

Слыша глас Господа, тя в душе зовуща, богоносне отче наш  
Сампсоне, ветхий Рим оставль, в пустыню вселился еси, якоже Илия  
древле, да, на высоту добродетели восшед, послужиши верующим в  
Новом Риме, Константина Царя Граде, в немже храмину обрет, в той

вселился еси, странная и нищая упокоевая, немощная приемля, всякое удовольствие тем Христа ради творя и исцеления недужным скоро подавая. Мы же, введуще сия, восхваляем тя тако: Радуйся, крине пустынный, от Бога во град велий восхищенный, да сей тобою украсиши; Радуйся, Константию граду красоту милосердия твоего наипаче явивый, да прославится в нем вера святая. Радуйся, Христа алчуща тамо напитавый и жаждуща напоивый; Радуйся, Сего странна приемый и нага одеявый. Радуйся, Сего больна посетивый и не имущу, где главы подклонити, виталище бывый; Радуйся, Господу сия сотворивый, понеже братьям Его меньшим сия сотворил еси. Радуйся, преблаженне, в нищих, больных и странных Самому Христу послуживый; Радуйся, блаженный Его глас имеяй услышати: «Прииди, благословенный Отца Моего, и наследуй уготованное ти Царство». Радуйся, Сампсоне, отче милостивый и врачу предивный.

### **Кондак 5**

Божественную чудотворения силу покрывал еси, преподобне, образом человеческого врачевания, великаго ради твоего смирения, да не будеши, яко чудотворец, славим и почитаем от человек. Обаче не может светильник на свещнице укрытися, ниже град верху горы стоя. Сего ради, узрев Божию силу, тобою целения творящу, патриарх ты радостно во пресвитера рукоположи, да в сонме иереев вопиеши Богу: Аллилуиа.

### **Икос 5**

Видя себе в недуг неисцельный впадша, Иустиниан царь многи врачи искуснейшия призва: не возмогшим же им уврачевати его, возопи со слезами к Богу, прося прилежно исцеления. Темже убо, умилосердився, Господь в видении нощнем показа ему ты, отче, яко врача благодатна, могуща его исцелити; и призвав ты теплый верою царь, умильно лобыза и со слезами моли, да тобою исцелее, и посем здрав бысть. Сие введуще, зовем ти, преподобне: Радуйся, рабе Царя Вышняго, земному царю посланниче Его благопоспешный; Радуйся, врачу всеизрядный, недуг царя болящаго благодатию врачующею чудно исцеливый. Радуйся, утешителю скорбным, исполняяй радости к тебе притекающия; Радуйся, радости верных, веселие о Господе царю и людем его целением сотворивый. Радуйся, безсребренниче дивный, богатых тебе даров царских, злата и сребра отрекийся; Радуйся, странноприимче милосердный, к созиданию странноприимницы и лечебницы сердце царево подвигнувый. Радуйся, строителю чудный, не имея злата и сребра, обитель преудобренную больным и бедным создавый; Радуйся, нищая возлюбивый и во обители твоей тем даже до конца наипаче

послуживый. Радуйся, Сампсоне, отче милостивый и врачу предивный.

### **Кондак 6**

Проповедует память твою, святе Сампсоне, честная Церковь, яко старости добрыя в трудах странноприимства и врачевания достигл еси, при скончании же жития твоего чужд был еси страха смертного, но светел лицом явился еси, егда разлучашеся душа блаженная твоя от телесе, и радуяся преставился еси Господу, да пребудеши всегда с Ним, купно со Ангельскими лики вопия: Аллилуиа.

### **Икос 6**

Возсия благодатная любви твоя к нищим и странным в земнем житии твоем, отче Сампсоне, еяже ради создана бысть странноприимница и врачбница твоя, но и по скончании земнаго жития твоего не оскудеша страннлюбная попечения твоя: оградил бо еси дивным явлением твоим странноприимную обитель от запаления огненнаго. Сего ради дивящесе, благоговейно ти глаголем: Радуйся, в жизни твоей странноприимче благодатный; Радуйся, и по преставлении твоем покровителю странным благонадежный. Радуйся, в земнем житии нищим прибежище и избавление; Радуйся, в небеснем водворении достоянию твоему помощь и заступление. Радуйся, обитель твою, огнем бурным обложена, с небесе посетивый; Радуйся, пламени запретивый и от дому твоего инуду его устремивый. Радуйся, яко твоими молитвами дождь велий пролияся и пламень угасися; Радуйся, яко тобою пристанище странним и больным от сожжения спасесе. Радуйся, Сампсоне, отче милостивый и врачу предивный.

### **Кондак 7**

Хотя человеколюбец Господь явити в тебе, отче, неизреченное о людех милосердие, показа тя и по успении твоем целителя всеизрядна: Феодориту бо славно, люте страждущу, во сне явлься, целение сотворил еси, такожде и болярину Льву, неисцельне недуговавшу, купно со святыми врачю Космою и Дамианом исцеление возвестил еси, и здрав бысть. Темже подвигл еси благородныя и славныя купно с нищими и убогими благодарне вопияти Богу: Аллилуиа.

### **Икос 7**

Новый по отшествии твоем явися источник исцелений от тебе, чудотворче Сампсоне, во храме плотскаго и духовнаго южика твоего, мученика Мокиа, идеже положенный гроб твой начат источати целебное миро, имже всякими недуги болящии, с верою помазующесе, здравие получаху и прославляху тя сице: Радуйся,

глубино смиренномудрия, от Бога превознесенная; Радуйся, по успении твоём чудеса многими прославленный. Радуйся, реко чудоточная силы цельбоносная; Радуйся, яко прослави Бог гроб твой целении дивными. Радуйся, высокородного Льва, разслаблена суца, миром гроба твоего укрепивый; Радуйся, к вящшему попечению о странноприимнице твоей, во еже не оскудети ей, того воодушевивый. Радуйся, помазанием мира от честнаго гроба твоего Георгия раба от труда воднаго свободивый; Радуйся, изобилуяй чудеса толикими, яко не достанет нам времени повествовати о них. Радуйся, Сампсоне, отче милостивый и врачу предивный.

### **Кондак 8**

Страннолюбныя подвиги твоя почитяюще и от тебе сотворенным чудесем дивящся, благоговейнии людие ин дом и врачбниду близ создаша, странноприимную же обитель твою, идеже подвизался еси, умолиша патриарха в храм освятити, да в нем прославят чудеса твоя и милосердие и в пениих церковных воспоют Богу: Аллилуиа.

### **Икос 8**

Всею мыслию у Господа водворялся и зрением нетленныя славы Его наслаждаяся, не небрегл еси, отче, о тесноте и обидех, яже прияша от домоправителей нерадивых страннии и больнии во обители твоей, и скорым заступленном оградил еси их. Темже и мы молим тя, преподобне, от злобы человеческия и от обиды творящих огради нас немощных твоим предстательством, да любовию вопием ти сице: Радуйся, под кров твой всельшимся покрове небесный; Радуйся, обидимым заступниче скорый. Радуйся, обидящих наказателю неподкупный; Радуйся, Энесиа строителя, суца нерадива и леностна, вразумивый. Радуйся, недугом и немотою того поразивый, да ко спасению его приведеш; Радуйся, прощением твоим сего добре исправивый. Радуйся, яко Евстратия строителя, о больных и странных твоих нерадяща, яже подобаша ему творити, научил еси; Радуйся, яко гневным явлением твоим и целением недуга его к доброму служению сего подвигл еси. Радуйся, Сампсоне, отче милостивый и врачу предивный.

### **Кондак 9**

Всякий человеческого естества чин: царие и раби, нищии же и богатии, худороднии и высокороднии, почитаху тя, преподобне, во граде и царстве равноапостольнаго царя Константина, отнюдуже возсия во отечестве нашем святая вера православная, с неюже купно слава и память твоя, и поклонишася тебе, отче, во стране нашей

чтущии тя новии сынове и дщери от убогих и даже до царей, по вере вопиюще Богу: Аллилуиа.

### **Икос 9**

Витии многовещаннии не возмогут по достоянию восхвалити силы, тобою бывшия во отечестве нашем, поборания же и заступления, яже явил еси воинству и народу нашему во дни, в няже творяху память честную твою. Темже припадающе молимся тебе, преподобне: буди всегда заступник и поборник наш противу супостатов, соблюдая в мире и безмятежии Церковь святую нашу и осеняя молитвами твоими верныя, сице зовущия: Радуйся, землю Российскую, ко Христу пришедшую, возлюбивый; Радуйся, добропобедный во обстояниих поборник тоя бывый. Радуйся, воинов наших силу многожды на сопротивныя укрепивый; Радуйся, тем, яко верным, победы на мятежныя даровавый. Радуйся, христоролюбиваго князя Всеволода мышцу крепку на супостаты сотворивый; Радуйся, непокоривыя и клятвопреступныя, аще и единоверныя, враги его поражением вразумивый. Радуйся, люди со князем благоверным, молившиися тебе и Богородице Деве, услышавый; Радуйся, в день памяти твоея радость тем победою на враги и пресечением междоусобныя брани сотворивый. Радуйся, Сампсоне, отче милостивый и врачу предивный.

### **Кондак 10**

Спасти хотя от отчаяния и пагубы верою притекающия к тебе и помощи твоея просящия, приклонял еси им милосердие Всеблагаго Владыки; темже восхваляти тя и почитати, яко заступника в бедах и покровителя страны нашея, издревле научил еси отцы наша, да воспевают даровавшему нам тя, яко молитвенника и скоропослушника, Богу: Аллилуиа.

### **Икос 10**

Стена крепкая был еси царству нашему, егда ополчишася на ны врази тьмочисленнии, да силу нашу сокрушат и игу своему тяжкому покорят. Ты же, отче и заступниче наш Сампсоне, предстательством твоим пред единым сильным во бранех Господом благовернаго царя нашего Петра укрепил еси и победу на враги велию на поли Полтавстем даровал еси. Сего ради благодарно и со умилением вопием ти: Радуйся, от покорения и рабства страну нашу оградивый; Радуйся, врагов наших силу предстательством твоим за ны сокрушивый. Радуйся, царя нашего победителя славна сотворивый; Радуйся, сего во брани неврежденна сохранивый. Радуйся, славу страны нашея православныя утвердивый; Радуйся, дерзновенную гордыню возставшаго на ны иноплеменнаго воителя низложивый.

Радуйся, рог племени нашего посреде народов победно вознесый; Радуйся, поборниче за ны, хвало и славо наша. Радуйся, Сампсоне, отче милостивый и врачу предивный.

### **Кондак 11**

Пение всеумиленное приносяще ти, преподобне, яко заступнику скорому, защитнику крепкому, предстателю непостыдному, благодателю милосердному, научаемся житием твоим многотрудным, чудеса преестественными, предстательствы дерзновенными, воспевати дивному во святых Своих Богу: Аллилуиа.

### **Икос 11**

Светозарное светило возшед древле на востоце, возсиял еси, яко солнце благодатное Российския земли, мрак бо уныния и скорбей отгоняеши, просвещая упованием сердца твоея помощи во обстоянии просящих и согревая теплотою благодати твоея охлаждающия души колеблемых ветром неверия. Сего ради сынове Российстии вопиют ти сице: Радуйся, яко тя славят Российстии собори, Радуйся, яко ты превозносиш Полтавская земля. Радуйся, град наш стольный победою Петра утвердивый; Радуйся, волею ты чтущаго царя храм тебе в нем водрузивый. Радуйся, яко во храме твоём людие вернии благоговейно лику твоему поклоняются; Радуйся, яко не все слезы умиления, скорбей же и болезней пред иконою твоею проливаются. Радуйся, яко тобою бездомнии и сирья пристанище себе и ныне обретают; Радуйся, яко людие наши, богатии и убозии, отца своего ты любовию тепле именуют. Радуйся, Сампсоне, отче милостивый и врачу предивный.

### **Кондак 12**

Благодать и велию милость испроси нам с небесе, преподобне отче наш Сампсоне, и молися ко Господу, да хранит державу Российскую целу и тверду, Церковь святую Свою от неверия и отступства и ересей непребориму, нас же, прибегающих к тебе с верою, да избавит от напастей и болезней, яко да воспоем благодеещему нам тобою Богу: Аллилуиа.

### **Икос 12**

Поюще твое в Церкви православней, во отечестве же и стольнем граде нашем прославление, ублажаем тя, преподобне отче наш Сампсоне, зовуще: не остави твоим предстательством и помощию нас, сущих маловерных, немощных, малодушных же и скорбных, и укрепи нас на пути многотруднем в Царство Небесное, идеже со святыми блаженне водворяешия, да любовию от души вопием ти: Радуйся,

друзе Христов, елика Христос заоведа сотворивый; Радуйся, ближняя, якоже и Христос верная Своя, паче себе возлюбивый. Радуйся, врачевнице благодатная безмездных болящим целений; Радуйся, широто необъятная любви и в скорбех утешений. Радуйся, отрадо сокровенная милостыни тайно творящим; Радуйся, древо сеннолиственное в знои трудов сущим. Радуйся, послушателю воздыханий тайных, благодеяния твоя невидимо творяй на земли; Радуйся, яко знаем добрая дела твоя и прославляем Отца нашего, Иже есть на небесех. Радуйся, Сампсоне, отче милостивый и врачу предивный.

### **Кондак 13**

О преподобне отче наш Сампсоне, предивный чудотворче и целителю, благостный утешителю, милостивый странноприимче и скорый заступниче! Приими сия малыя приносимыя тебе хвалы и, предстоя всегда Престолу Живоначальныя Троицы, молися о всех нас, чтущих память твою, яко да милосердие Божие неизреченное, спасающее верная от бед в земнем житии и от гибели горькия в жизни вечней, излиется и на ны, поющия со упованием и верою Богу: Аллилуиа.

(Этот кондак читается трижды, затем икос 1 и кондак 1)